

a

কমন জেন্ডার-দ্য ফিল্ম (ইংরেজি: Common Gender, বাংলা অর্থঃ উভলিঙ্গ, বৃহ্মলা, শিখণ্ডী বা হিজড়া) এটি ২০১২ সালের একটি বাংলাদেশী চলচ্চিত্র। এটি কাহিনী, সংলাপ, চিত্রনাট্য ও পরিচালনা করেছেন **নোমান রবিন**। *পার্ল অ্যান্ড পেন্টাগন ফিল্ম* এর ব্যানারে নির্মিত এই চলচ্চিত্রটি প্রযোজনা করেছেন মোশারফ হোসেন, সাইদুল হক জুয়েল ও অন্ত করিম। এটি বাংলাদেশের প্রথম চলচ্চিত্র যা মুক্তি দেয়া হয়েছে লু-রের মাধ্যমে।

চলচ্চিত্রটি একটি হিজড়া গোষ্ঠীর সুখ-দুঃখ, হাসি-কান্নার গল্প নিয়ে গড়ে উঠেছে। চলচ্চিত্রের অভিনয় করেছেন সোহেল খান, হাসান মাসুদ, রাশেদ মামুন অপু, রোজী সিদ্দিকী, চিত্রলেখা গুহ, ডলি জহুর, সাজু খাদেম, দিলীপ চক্রবর্তী, অয়ন চৌধুরী, মানস বন্দ্যোপাধ্যায়, শহীদুল আলম সাচ্চু, সিন্ডি রোলিংসহ আরও শতাধিক মঞ্চ কর্মী।

1 কাহিনী সংক্ষেপ

প্রতিটি শিশুর মত সাধারণ ভাবেই জন্ম হয় হিজড়া সম্প্রদায়ের। মূলত এরা পুরুষ হয়ে জন্ম নেয় এবং বয়স বৃদ্ধির সাথে সাথে তাদের শারীরিক পরিবর্তন ঘটে তবে তা আর দশটা সাধারণ ছেলে বা মেয়ের মত নয়। এক সময় তাদের শারীরিক গঠন পরিবার ও সমাজের কাছে পরশ দাঁড় করিয়ে দেয়। এদেরকে তারা কোন শ্রেণীতে রাখবে পুরুষ নাকি নারী?

একটি ধনী পরিবারে জন্ম গ্রহণ করে সুশময়। বয়স বৃদ্ধির সাথে সাথে যখন পরিবারের সদস্যরা বুঝতে পারে ও একজন বৃহ্মলা হতে চলেছে, তখন বাবা সুশময়কে একটি হিজড়া গোষ্ঠীর কাছে পাঠিয়ে দেয়ার ব্যবস্থা করে। কিন্তু এতে ছিল মায়ের অসীম আত্ননাদ। হিজড়া সম্প্রদায়ের পরিবারে নতুন কোনো সদস্য যোগ হলে তারা খুব আনন্দের মধ্যে দিয়ে তাকে বরণ করে আর সৃষ্টি কর্তার কাছে নতুন সদস্যের জন্ম আহ্বান প্রদান করতে প্রার্থনা করে। সে সুশময় থেকে হয়ে যায় সুস্মিতা (সাজু খাদেম) এবং এই এলাকার হিজড়া গোষ্ঠীর মাসীর (সোহেল খান) কাছে বড় হয়। একবার এই পুরো হিজড়া গোষ্ঠি একটি হিন্দু সম্প্রদায়ের বিয়ের আমন্ত্রণ পায় এবং তারা সবাই সেখানে গিয়ে নাচে গানে মাতিয়ে তোলে। সেখানে সুস্মিতার রূপে মুগ্ধ হয় সঞ্জয় (দিলীপ চক্রবর্তী) নামের এক যুবক এবং সঞ্জয় হিজড়া জেনেও সুস্মিতার সাথে বন্ধুত্ব করতে চায়।

ঘটনাক্রমে সঞ্জয় ও সুস্মিতার মধ্যে দারুন বন্ধুত্বের সৃষ্টি হয়। মোবাইলে ঘণ্টার পর ঘণ্টা কথা বলা, রিক্সায় করে গুড়ে বেড়ানো, নৌকায় চড়ে স্বপ্নের রাজ্যে হারিয়ে যাওয়া ইত্যাদি। ওদের এই বন্ধুত্বের কথা হিজড়া গোষ্ঠির সবাই জানে। আস্তে আস্তে সুস্মিতার চলাফেরা ও মন মানসিকতার অনেক পরিবর্তন লক্ষ্য করা যায়।

2 শ্রেষ্ঠাংশে

- সোহেল খান - মাশি
- হাসান মাসুদ - হিন্দু ব্যক্তি
- রাশেদ মামুন অপু - তোতা
- রোজী সিদ্দিকী - সুশমিতার মা
- চিত্রলেখা গুহ - বাবলির মা
- ডলি জহুর - একজন মা
- সাজু খাদেম - সুশময়/সুশমিতা
- দিলীপ চক্রবর্তী - সঞ্জয়
- অয়ন চৌধুরী -
- মানস বন্দ্যোপাধ্যায় - সুশমিতার বাবা
- শহীদুল আলম সাচ্চু - বাবলির বাবা
- সিন্ডি রোলিং - আইটেম গানে^[1]

3 নির্মাণ ইতিহাস

চলচ্চিত্রটি সম্পর্কে পরিচালক নোমান রবিনের বক্তব্য; শুধু নারী ও পুরুষই কী আশরাফুল মাখলুকাত? নারী ও পুরুষ মিলে যে আশ্চর্য আরও একটি মানুষ জাতি সৃষ্টিকর্তা সৃষ্টি করেছেন তাকে কী বলব? হিজড়া বা শিখণ্ডী। তাদের নিয়েই এই কমন জেন্ডার-দ্য ফিল্ম চলচ্চিত্রটি নির্মিত হয়েছে।^[2] হিজড়া সম্প্রদায়ের কেউ মারা গেলে তাকে কবর দেওয়া যায় না, নয়তো পরিচয় গোপন করে কবর দিতে হয়। তাই এই চলচ্চিত্রের অর্জিত অর্থের পুরোটা দিয়ে তাদের জন্ম একটি কবরস্থান নির্মাণ করা হবে।^[3]

জনপ্রিয় নাট্য নির্মাতা নোমান রবিন ২০১১ সালে 'কমন জেন্ডার' নামে একটি টেলিছবি নির্মাণ করেছিলেন, এটি ওই বছর কোরবানি ঈদের তৃতীয় দিন আরটিভিতে প্রচারিত হয়েছিল। তা ছিল কমন জেন্ডার-দ্য ফিল্ম চলচ্চিত্রের একটি পরীক্ষামূলক প্রযোজনা, পার্ল অ্যান্ড পেন্টাগন ফিল্মের ব্যানারে নির্মিত

টেলিছবি ও চলচ্চিত্র দুটি।^[3] উভলিঙ্গ, বৃহল্লা, শিখণ্ডী বা হিজড়া সম্প্রদায়ের জীবনযাত্রা, পেরম-ভালোবাসা আর আনন্দ-বেদনার নানা তথ্য বিনোদনের মাধ্যমে সারা পৃথিবীর মানুষের সামনে তুলে ধরতেই এই চলচ্চিত্র। এটি নির্মাণ করা হয়েছে কিছুটা বাণিজ্যিক ছবির ধাছে যেমন; কোনো অশ্লীলতা ছাড়াই একটি আইটেম গান সহ মোট ছয়টি গান রয়েছে চলচ্চিত্রের। এছাড়া চলচ্চিত্রের গল্পের প্রয়োজনে প্রায় শতাধিক থিয়েটার কর্মী নিয়ে কাজ করা হয়েছে।

4 সংগীত

কমন জেভার-দ্য ফিল্ম চলচ্চিত্রের সংগীত পরিচালনা করেছেন আরফিন রুমী ও বালাম। গীত রচনা করেছেন অনুরূপ আইচ। জননন্দিত সঙ্গীত তারকা ফেরদৌস ওয়াহিদ প্রায় এক যুগেরও বেশি সময় পর এ ছবির মাধ্যমে চলচ্চিত্রের গান করলেন। এছাড়া প্রথমবার মৌলিক গান গেয়েছেন অভিনয়শিল্পী হাসান মাসুদ। বালাম ও ন্যাপ্সি প্রথমবার দৈবত গান করেছেন এই ছবিটিতে। 'মা' শিরোনামের গান করেছেন বালাম এই প্রথম এটিতেই। এছাড়াও গেয়েছেন আরফিন রুমি, ফকির আরিফ বাউল ও সায়রা রেজা। ডিজে সঙ্গীত পরিচালনা করেছেন ডিজে রাহাত।^[4]

4.1 গানের তালিকা

5 আরো দেখুন

6 তথ্যসূত্র

- [1] আবারও হলিউডের সিডি রোলিং
- [2] কমন জেভার চলচ্চিত্র চলতি মাসেই মুক্তি
- [3] 'কমন জেভার' নিয়ে চলচ্চিত্র
- [4] 'কমন জেভার' ছবির গানের অ্যালবাম

7 বহিঃসংযোগ

- কমন জেভার-দ্য ফিল্ম — ফেসবুক

8 লেখা এবং চিত্রের উৎস, অবদানকারী, এবং লাইসেন্স

8.1 লেখা

- **কমন জেন্ডার-দ্য ফিল্ম** উৎস: http://bn.wikipedia.org/wiki/কমন_জেন্ডার-দ্য_ফিল্ম?oldid=1544805 অবদানকারী: WikitanvirBot I, Hemayetএবং NahidSultanBot

8.2 চিত্র

- **চিত্র:Common_Gender.JPG** উৎস: http://upload.wikimedia.org/wikipedia/bn/f/fe/Common_Gender.JPG লাইসেন্স: ? অবদানকারী: ? মূল শিল্পী: ?
- **চিত্র:Flag_of_Bangladesh.svg** উৎস: http://upload.wikimedia.org/wikipedia/commons/f/f9/Flag_of_Bangladesh.svg লাইসেন্স: Public domain অবদানকারী: <http://www.dcaa.com.bd/Modules/CountryProfile/BangladeshFlag.aspx> মূল শিল্পী: User:SKopp

8.3 বিষয়বস্তুর লাইসেন্স

- Creative Commons Attribution-Share Alike 3.0